



穆天子傳西征年曆

顧 實

一 序言

穆天子傳與竹書紀年同出汲冢，而穆傳卷三郭注引古本竹書紀年云：『穆王十七年西征崑崙丘，見西王母，其年來見，賓於昭宮。』史記周本紀集解引郭注同，則猶止引十七年之事。惟藝文類聚卷九十一引古本竹書紀年云：『穆王十三年西征，至於青鳥之所憩；』卷七又引云：『穆王十七年西征崑崙丘，見西王母；』分引兩年，於事實較為明備。試檢穆傳所記西征車轍馬迹，往返於今之歐亞兩洲，而時日經逾二載，此豈西王母所能於穆王十三年西征一年之內而來見者耶？郭注引紀年十七年之事，以釋穆傳十三年之事，殊於事實為失檢也。況穆王答西王母吟辭，本有『比及三年，將復而野』之語，自必有踐約二次西征之舉。當是十三年西征，十四年東歸，越二年後，至十七年而復西征，其年方是西王母來見，乃合於事理。而穆傳則不記十七年事，故今斷從穆傳所記者為

穆王十三年及十四年西征往返之事也。

司馬遷史記雖於文辭，若欲以綿密之才，而整理史實，則非其所長。故十二諸侯年表託始於共和元年庚申，而共和以前，歲紀不詳。今本竹書紀年於此際，歲紀干支，以古曆推之，有萬不能合者，至其紀事，又東剽西竊，清儒鑿指言其偽者衆矣。茲第舉廣弘明集卷十一引周書異紀，周昭王二十四年甲寅歲，案四當為六之訛，古文四六二字形近易混也。今本竹書紀年，昭王纔止十七年耳，安有二十六年之理。不知路史發揮卷一亦引周書異紀之文，羅莘注即以汲紀年為證，此可見北宋人所見竹書紀年不同今本矣。今本竹書紀年既不足據，則當據通鑑外紀諸書（如鄭樵通志金履祥通鑑前編林春溥古史考年異同表等）穆王元年歲次庚辰，穆王十三年歲次壬辰是也。

雖然，昔杜預春秋長曆及吾家復初春秋大事表中之朔閏表，皆還就經傳而為之，並不依古之曆法也。說者謂春秋時曆不正，不盡可以古曆

之定法細之。余謂穆傳所記之月日，亦有如是者焉。蓋無歷史，不成科學，無事實不成理論。有五帝三代之治化，而後有周季百家之政論。孟子離婁篇曰：『天之高也，星辰之遠也，苟求其故，千歲之日至，可坐而致也。』

是曆法在周季，已成儒家專門之科學也。然其前正恐不爾也。桓十七年左氏傳曰：『天子有日官，諸侯有日御，日官居卿，以底日，禮也。』故春秋

經書王正月，或有不書者，明天子頒朔則書之，不頒朔則不書也。是古之司曆者在於日官，而頒朔者在於天子，則直以人爲活曆本也。惟其以人爲活曆本，而尚在隨時測驗變動之中，故宜無固定之死曆法也。余以姬

漢相傳之古曆，即所謂死曆法者，而推穆傳之月日，或合或不合。並發見其確有一種特殊之組織，如卷三之季夏丁卯，孟秋丁酉及卷四之孟秋癸巳，秋癸亥，孟冬壬戌，仲冬壬辰，皆其顯著之明文也。以此而排比之，

則穆傳之月日，顯取每三月朔，用同一天干以記之，其曆之合於法與否，可不問，而其實則固彰彰不可掩者也。蓋其三朔同干，如孟秋癸巳，秋癸亥，孟冬壬戌，仲冬壬辰，皆孟仲月朔同干的確可據。更參以季夏丁

卯，孟秋丁酉，則又可爲季孟月朔同干之鑿證。依此推之，則當是每三月朔同干，以季孟仲之次而連綴之。故穆傳所記十三年及十四年之月日，用此法而排比之，適合無間。誠可令人驚奇不置者也。故即以此爲穆傳

事實上之曆法，以譜西征兩年之月日，而并與用古曆所推得之月朔干支，互相參檢，則穆王西征在何年何月何日，豈非至今猶昭然可知哉？

穆傳卷四云：『孟秋癸巳，五日丁酉，』此即顯示七月朔日癸巳，五日

丁酉也。推而論之，則凡日繫於月者皆月朔也。然亦惟卷二卷四如是，而卷五卷六有日繫於月者，又不可以同論，其故不明也。至若卷五云：『孟冬鳥至，』郭注曰：『雁來翔也。』案禹貢『陽鳥攸居，』故郭氏以鳥爲雁也。孟冬者十月也，而雁來翔，則於夏正爲八月也。戴記呂覽之月令，周書淮南之時訓皆同。惟夏小正在九月，則或傳本之異耳。唐人詩曰：『八月書空雁字斜，』然則穆傳記於孟冬十月，非用周正之明證乎？古詩十

九首曰：『明月皎夜光，促織鳴東壁，玉衡指孟冬，衆星何歷歷，白露霑野草，時節忽復易，秋蟬鳴樹間，玄鳥逝安適。』此明明秋節而以爲孟冬，必漢末改太初曆以前，猶承秦正建亥，以十月爲歲首，故推至秋節而轉爲冬令，可與穆傳互證而益明。蓋夏曆固百王之所同，而時王之制不同，則又不可以一律而論也。

是故穆傳與春秋者，皆周天子之史記也。用周正而不用夏正者也。凡古曆如黃帝曆殷曆周曆魯曆三統曆，均從周正，以建子十一月（同今舊曆）爲歲首。如顯瑣曆夏曆均從夏正，以建寅正月爲歲首。（同今舊曆）茲以周正之古曆，推周正之穆傳所記十三年壬辰西征之月日，惟黃帝曆及魯曆均於是年無閏餘，不當置閏，而殷曆周曆三統曆均於是年閏餘十八，當閏二月。茲以從衆，即用此三種古曆推之。雖穆傳於是年究否有閏，無明文，亦不得不姑以從衆論矣。

劉師培古曆管窺已用周殷二曆，推穆傳之月日矣。然余今覆推，有與劉氏所推微異者，則劉氏用周曆推十三年六月戊辰朔，而余推乃六月

丁卯朔也。故殷周二曆所推，均六月朔日丁卯，七月朔日丁酉，與穆傳云季夏丁卯孟秋丁酉適符也。然余更以三統曆推之，則六月丙寅朔，七月丙申朔，皆先殷周二曆一日。蓋殷周二曆傳自周季，而三統曆成於漢世，故以三統曆之月朔，較殷周二曆之月朔，往往先一日也。此在十三年則然矣，更有十四年之孟秋癸巳，□秋癸亥孟冬壬戌仲冬壬辰，則殷周二曆七月辛卯八月辛酉十月庚申十一月己丑，或先二日，或先三日。三統曆七月庚寅八月庚申十月己未十一月戊子，則更或先三日或先四日矣。此皆前所謂以古曆推穆傳之月日，或不合者也。其何以不合，則穆傳卷五卷六，不與其前四卷之事實相銜接，故無法可以測知。抑穆王於是年從歐洲入中亞而東歸，經逾天山南路，河套北岸，及歸化大同各地方，多有遠在塞外，氣候變易，日官失測，遂致時曆不正歟？然揆以三朔同干之編制，則似必不然矣。至其有無失閏等事，更不可考矣。

穆傳古曆月朔參對表（表內以陰文填入者穆傳原文也）

九十三年				周曆	穆紀	王別
統三	周	殷	傳穆	朔月	正閏	朔月
巳己	午庚	午庚		朔月	二閏	朔月
亥己	子庚	子庚	巳己	朔月	三閏	朔月
戌戊	亥己	亥己	戌戊	朔月	四閏	朔月
卯丁	辰戊	辰戊	辰戊	朔月	五閏	朔月
酉丁	戌戊	戌戊	戌戊	朔月	六閏	朔月
寅丙	卯丁	卯丁	卯丁	朔月	七閏	朔月
申丙	酉丁	酉丁	酉丁	朔月	八閏	朔月
丑乙	寅丙	寅丙	寅丙	朔月	九閏	朔月
未乙	申丙	申丙	申丙	朔月	十閏	朔月
子甲	寅丙	丑乙	寅丙	朔月	十一閏	朔月
午甲	未乙	未乙	申丙	朔月	十二閏	朔月
亥癸	丑乙	子甲	丑乙	朔月		朔月

殷曆甲寅元，周穆王十三年壬辰，距積二百七十五萬九千三百七十八算外，入丁酉部四十六年，積月五百六十八，閏餘十八，積日一萬六千七百七十三，小餘五百十二，大餘三十三，得是年庚午，為正月朔及十四年甲午為正月朔，依此遞推，可得正閏諸月朔。具詳別紙。

周曆丁巳元，周穆王十三年壬辰，距積二百七十五萬九千四百三十五算外，入丙子部二十七年，積月三百三十三，閏餘十八，積日九千八百三十四，小餘七百八十七，大餘五十四，得是年庚午為正月朔，及十四年甲午為正月朔，依此遞推，可得正閏諸月朔。具詳別紙。

三統曆庚戌元，周穆王十三年壬辰，距積十四萬二千二百四十二算外，入甲申統六百五十四年，積月八千八百八，閏餘十八，積日二十三萬八千八百四十五，小餘五十一，大餘四十五，得是年己巳為正月朔，及十四年癸巳為正月朔，依此遞推，可得正閏諸月朔。具詳別紙。

年 四 十			
958			
統三	周	殷	傳穆
亥癸	午甲	午甲	未乙
亥癸	子甲	亥癸	丑乙
辰壬	巳癸	巳癸	午甲
戌壬	亥癸	亥癸	子甲
卯辛	辰壬	辰壬	午甲
酉辛	戌壬	戌壬	亥癸
寅庚	卯辛	卯辛	辰壬
申庚	酉辛	酉辛	亥癸
丑己	寅庚	寅庚	辰壬
未己	申庚	申庚	亥癸
子戊	丑己	丑己	辰壬
午戊	未己	未己	亥癸

余書之成有年矣，以多病未遑披露也。頃見今人吳其昌殷周之際年

余推癸亥有微異，爰附誌之。

曆推證一篇（清華學校國學論叢第一卷第二號）內有用三統曆推定西周年譜，足為余說張目。惟吳君所推穆王十三年十二月朔甲子，與

二 曆譜

周穆王十三年（西紀前九八九年）

閏二月

初一日己巳*	天子北征絕漳水	凡日下干支有*符號者，皆傳文所無。凡日下際事，皆錄傳文。
初十日戊寅	至于口	
十二日庚辰	雨雪天子獵于鈔山之西阿	
十五日癸未	天子北升于口	
十七日乙酉	北風雨雪天子命王屬休	
二十二日庚寅	天子征絕險之關隘	
二十六日甲午		

三月（建寅）

初一日戊戌*	至于焉居禺知之平
初二日己亥	

<p>初四日辛丑 初六日癸卯 初七日甲辰 初九日丙午 十一日戊申 十六日癸丑 二十一日戊午 二十二日己未 二十八日乙丑 二十九日丙寅</p>	<p>天子西征至于鄆人 天子舍于滲澤西釣于河 天子獵于滲澤祭于河宗 天子飲于河水之阿屬六師之人 天子西征驚行至于陽紆之山 天子大朝于燕口之山河水之阿 天子大服冕禕禮河 天子大朝于黃之山 天子西濟于河 天子屬官效器用申八駿之乘</p>	<p>自丙寅下歷丁巳凡五十二日。</p>
--	--	----------------------

四月(建卯)

初一日戊辰*

當有脫簡,至於西夏氏,卽在此時。

<p>初一日戊戌* 二十日丁巳 二十一日戊午 二十四日辛酉 二十六日癸亥 二十七日甲子</p>	<p>天子西南升口之所主居 鬲口之人居虛獻酒百口于天子 天子升于崑崙之丘以觀黃帝之宮 天子禮崑崙之丘 天子北征舍于珠澤</p>	
---	---	--

五月(建辰)

六月(建巳)

<p>初一日丁卯 初六日壬申</p>	<p>天子北升于春山之上以望四野 天子西征</p>	<p>傳曰,季夏丁卯。</p>
------------------------	-------------------------------	-----------------

初八日甲戌
十三日己卯
十四日庚辰
十五日辛巳
十六日壬午
十八日甲申
二十五日辛卯
二十七日癸巳

至于赤鳥之人
天子北征趙行口舍
濟于泮水
入于曹奴之人
天子北征東還
至于黑水
天子北征東還
至于羣玉之山天子四日休

七月(建午)

初一日丁酉
初二日戊戌
初五日辛丑
初六日壬寅
初十日丙午
十一日丁未
十三日己酉
十四日庚戌
十七日癸丑
二十日丙辰
二十一日丁巳
二十三日己未
二十七日癸亥
二十八日甲子
二十九日乙丑

天子北征
天子西征
至于劓閭氏
天子祭于鐵山已祭而行遂西征
至于鄆韓氏
天子大朝于平衍之中
天子大饗正公諸侯王吏七萃之士于平衍之中
天子西征至于玄池
天子西征
至于苦山
天子南征
宿于黃鼠之山
至于西王母之邦
天子賓于西王母
天子觴西王母于瑤池之上

傳曰孟秋丁酉。

自乙丑下距丁未一百零三日。

八月(建未)

初一日丁卯*

當有脫簡,或因休息不明也。

九月(建申)

初一日丙申*

十月(建酉)

初一日丙寅*

十一月(建戌)

初一日丙申*

十二日丁未

十四日己酉

天子飲于温山
天子飲于潏水之上詔六師之人畢至于曠原
天子三月舍于曠原

自本月己酉下距十四年二月十六日庚辰約凡三月。

十二月(建亥)

初一日乙丑*

周穆王十四年(西紀前九八八年)

正月(建子)

初一日乙未*

二月(建丑)

初一日乙丑*

十六日庚辰當為天子饗正公。

三月（建寅）

初一日甲午*

諸侯王之日。

初六日己亥

天子東歸六師口起

初七日庚子

至于口之山而休以待六師之人

自庚子下距庚辰凡四十一日休待。

四月（建卯）

初一日甲子*

十七日庚辰

天子東征

二十日癸未

至于戊口之山天子北遊于繇子之澤

二十二日乙酉

天子南征東還

二十六日己丑

至于獻水遂東征飲而行遂東南

五月（建辰）

初一日甲午*

初六日己亥

至于瓜纒之山天子遂東征南絕沙衍

初八日辛丑

天子渴于沙衍遂南征

十一日甲辰

至于積山之邊

十二日乙巳

諸飭獻酒于天子

自己巳下距庚辰凡三十六日。

六月（建巳）

初一日癸亥*

十八日庚辰
 十九日辛巳
 二十一日癸未
 二十四日丙戌
 二十五日丁亥
 二十八日庚寅

至于滔水濁繇氏之所食
 天子東征
 至于蘇谷遂南征
 至于長淡重繇氏之西疆
 天子升于長淡遂東征
 至于重繇氏黑水之阿

七月（建午）

初一日癸巳
 初五日丁酉

天子命重繇氏共食天子之屬
 天子升于采石之山一月休

傳曰孟秋癸巳。

八月（建未）

初一日癸亥
 初三日乙丑
 初四日丙寅
 初七日己巳
 初十日壬申
 十一日癸酉
 十二日甲戌
 十三日乙亥

天子賜重繇之人
 天子東征至于長沙之山
 天子東征南還
 至于文山
 天子飲于文山之下
 天子命駕八駿之乘東南翔行馳驅千里
 巨蒐之人穉奴觴天子于焚留之山
 天子南征陽紆之東尾

傳曰秋癸亥秋上當脫去仲字。

自乙亥下距癸丑凡三十九日。

九月（建申）

初一日壬辰
 二十二日癸丑

天子東征至于郟人

二十七日戊午

天子東征

十月(建酉)

初一日壬戌

天子至于雷音

傳曰孟冬壬戌。

初二日癸亥

天子南征升于鼉之墜

初五日丙寅

天子至于餅山之墜

十二日癸酉

天子命駕八駿之乘南征翔行馳驅千里入于宗周

十九日庚辰

天子大朝于宗周之廟乃里西土之數

二十三日甲申

天子祭于宗周之廟

二十四日乙酉

天子口六師之入于洛水之上

二十六日丁亥

天子北濟于河升于盟門九阿之墜遂西南

十一月(建戌)

初一日壬辰

至彘山

傳曰仲冬壬辰。

初二日癸巳

天子飲于彘山之山

初六日丁酉

天子入于南鄭

